

家禮輯要天



家禮輯要序

昔我元聖制禮立教三百三千優優乎極其大譬如日星
高揭有目皆覩而一經秦火蕩然無遺雖漢晉諸儒掇拾
於煨燼之餘所存者特十之一耳禮教之晦殆千有五百年
而莫之闡明焉紫陽朱夫子惟是之盡然參古今酌情
文著爲家禮一書規模節目井井明備雖聖人復作亦無
以加矣而惜其初年爲童行所竊未得再修以嘉惠後人
此雖爲千古之恨顧其大綱已舉其間瑣節又有晚來定
論今於附註中可班班考也然而委巷之士倉卒間未易
尋考瓊山氏作儀節發揮之我東申金兩家又述喪祭禮
備要俾盡其愼終追遠之道其用力勤矣裨世教亦至矣

但丘儀紕繆處尚多備要割通禮移合祭禮已失家禮本
旨喪禮雖頗詳密必欲盡用古禮有違於夫子臨歿時搖
首之意於冠昏二禮却又全然拋置我先君子洎塤麓兩
先生並治禮學嘗竊病是焉欲一釐正而竟未果麓先生
草冠昏儀若干條蓋將補備要之缺而未得脫藁至於備
要則又未及梳沐豈非後學之不幸歟重器矇駭無聞何
敢與議於儀度之間而幸於過庭登門之際得聞緒餘及
此衰暮日覺荒墜謹取先君子洎兩先生所編禮書俯讀
仰思略窺影響敢就家禮全書一依舊目而序次之還置
祠堂章於卷首用備要註脚而補其闕略繼之以滾末制
度居家雜儀稍加裁節冠昏禮則用麓先生遺儀而間有

未備處輒敢以古禮及先賢說益之喪禮則全用備要而刪其繁正其誤於祭禮亦依備要略爲修潤工旣訖名之曰家禮輯要凡三冊夫然後篇章得其序而無割裂之弊儀文盡其節而無闕漏之失吾夫子謹名分崇愛敬略浮文敦本實之意至是而可復見矣然是役也非敢誇多衒竒竊附於纂述之末祇欲掇取舊聞追述遺志一以備暮境遺忘之患一以資私家急卒之用同志之士盍相與辨證而針砭之哉抑愚於此又有所潑懼者備要乃前輩已成之書而今以咫尺識管見妄加雌黃知其必不免於僭攘之譏矣世之揩大眼秉公心者其或不以爲罪否况又其書以家禮爲綱而未免有得半失半之恨抑或當時姑先

難後易而未得畢其業歟若以此意就質於當時則二老亦必莞爾而點頭矣雖然愚於今日得蒙渠成之利二老之功又曷可少之哉姑書編輯之意以俟夫習禮者之評
隲云爾歲壬申八月下澣後學烏川鄭重器謹識

家禮輯要卷之一

通禮

祠堂

君子將營宮室先立祠堂於正寢之東

祠堂之制三間外爲中門中門外爲兩階皆三級東曰
阼階西曰西階階下隨地廣狹以屋覆之令可容家衆
叙立又爲遺書衣物祭器庫及神廚於其東繚以周垣
別爲外門常加扃閉若家貧地狹則止立一間不立廚
庫而東西壁下置立兩櫃西藏遺書衣物東藏祭器亦
可祠堂所在之宅宗子世守之不得分析○凡屋之制
不問何向背但以前爲南後爲北左爲東右爲西

為四龕以奉先世神主

祠堂之內以近北一架為四龕

退溪李先生曰士大夫祭三代乃時王之制而

祭四代亦大賢義起之禮今世孝敬之家往往行之國家之所不禁也

每龕內置一卓大

宗及繼高祖之小宗則高祖居西曾祖次之祖次之父

次之繼曾祖之小宗則不敢祭高祖而虛其西龕一繼

祖之小宗則不敢祭曾祖而虛其西龕二繼禰之小宗

則不敢祭祖而虛其西龕三若大宗世數未滿則亦虛

其西龕如小宗之制神主皆藏於櫝中

司馬公曰府君夫人共為一櫝

采子曰考妣主同匣唐會要嫡母無先後皆當合祭退溪曰先妣共一櫝後妣別櫝同入一龕鄭寒岡曰父

有三娶則四位合一櫝未安考與先室為一櫝可矣○備要坐式司馬公制兩窓櫝韓魏公制家禮圖並存之

今人有具用者恐非是○按家禮圖因書儀說有韞藉而家禮不言之未知何意用與不用當各隨其家法而

處之矣置於卓上南向龕外各垂小簾簾外按每龕前當各設一卓

設香卓於堂中置香爐香合於其上兩階之間又設香

卓亦如之○主式見喪禮治葬章集解曰立廟一間四龕難容則高祖居中

南向而曾祖禰坐東西向祖坐西東向曾見中朝禮文如此

苟親之無後者以其班祔

伯叔祖父母祔于高祖伯叔父母祔于曾祖妻若兄弟

若兄弟之妻祔于祖子姪祔于父皆西向按古禮如此而今廟狹龕

小難以容祔時祭設位條云祔位皆於東序西向北上或兩序相向尊者居西蓋祔位若只一二則祔東壁下

若至四五則分祔東西壁而尊者居西似不失朱子意妻與弟則朱子答陳安卿之問雖有各一所之語朱子

內子已祔祖妣之旁依此行之無疑若妻與弟同祔則鄭愚伏以為嫂叔不可同祔一室金沙溪以為本註及

小註是定論雖嫂叔同龕何嫌之有愚意以為分置兩壁好矣若西壁已有他祔位則同祔東壁隔版或隔帳

善主櫛並如正位○程子曰無服之殯下殯不祭下殯

十一至八歲之祭終父母之身中殯十五至之祭終兄弟之

身長殯十六至之祭終兄弟之子之身成人丈夫冠婦人許嫁

而無後者其祭終兄弟之孫之身

置祭田

計見田每龕取其二十之一王制祭用數之什鄭註以

一退溪曰國俗既有奴婢相傳與田宅無異置承受重奴婢亦可以為祭田親盡則以為

墓田祔位倣此宗子主之以給祭用皆立約聞官不得

典賣

具祭器

牀席倚卓盥盆有火爐酒食之器隨其合用之數儀節

燭檠

茅沙盤酒注盞並盤酒皆具貯於庫中而封鎖之不得

他用無庫則貯於匱中不可貯者列於外門之內

禮則

主人晨謁於大門之內

主人謂宗子主此堂之祭者晨謁浚衣焚香再拜

或問

晨謁或未潔則奈何退溪曰若欲計此便是周澤長齊

儀雖非主人隨○後通典戴聖云大宗不可絕族無庶

子已有一嫡子則當絕父以後大宗繼叔子曰禮長子

不得為一人後若無兄弟又繼祖之宗統亦當繼祖陳北

溪曰大宗無子則以族人之子續之一氣相通嗣續無

問又不可恃同姓為憑須擇近親有來歷分明者立之

退溪曰長子無後而死為長子立後乃正當道理而父

母多幸愛次子而欲與之為次子者亦不知為兄立後

之為義而欲自得之卒歸於不善處者比比有之尤可

三

當以兄弟之次定其奉祀故宋賢胡安國有親子而以繼後子奉祀父子如此則祖孫之倫亦定矣如靈川副正僎既奉楊原君長子壽禧之祀則其奉楊原之祀無疑今若歸重於楊原次子則先王立後之意不明而倫氣紊錯矣金慎獨曰仁祖朝禮曹判書崔鳴吉建議請據禮經令繼後孫奉祖先祀如所生上名之遂爲定式○後之人或有以庶子奉祀之家古禮雖有庶子爲父後之說而天子諸侯之庶子皆可以爲天子諸侯大夫士之庶子亦得爲大夫士今之士大夫則庶子不得爲士大夫古制今典庶人無廟只祭考妣於寢若支子無嗣者只付自己祀於庶子則猶或可也若是繼累世之宗則凌不可也我朝國典長子只有庶子則令弟子奉祀此蓋謂長兄之祀付其庶子先世之祀付於弟子而如是則乃是次子奉祀揆以古者重宗之義大相乖戾須依胡文定繼後子奉祀之意以弟子爲長兄後以奉先祀可也况庶子身地卑微禮法類廢終至於殘破覆滅者甚多可不懼哉至於外孫奉祀則尤甚悖理春秋以苦人滅鄣書之以正滅人祀之罪晉太常秦秀以昏亂大倫譏賈充請謚爲荒是祖與外孫俱有罪矣必也爲祖者依禮經取同宗爲後爲外孫者亦遵朱子論宋公外家祀之訓爲外氏立後然後可免爲聖經之罪人矣

出入必告

主人主婦主人之妻近出則入大門瞻禮而行歸亦如之經

宿而歸則焚香再拜遠出經旬以上則再拜焚香告云

某將適某所敢告又再拜而行歸亦如之但告云某今

日歸自某所敢見經月而歸則開中門立於階下再拜

升自阼階焚香告畢再拜降復位再拜餘人亦然但不

開中門○凡升降唯主人由阼階主婦及餘人雖尊長

亦由西階○凡拜男子再拜婦人四拜

參禮之具

新果多少隨宜盛盤每位各一又有一所
以備酌茅者酒注一酒瓶一茅沙一盥盆

二一有臺祝
二一有架

正至朔望則參

正至朔望前一曰灑掃齊宿厥明夙興開門軸簾興下

無拜禮至降神主人始拜至參神家衆皆拜退溪曰是

日之禮爲參而設故先降後參此固然矣而但主人以

下入門序立在於陳設之後若然則開門陳設主人不

入而使執事爲之耶執事不拜陳設未安不符主人而

先拜亦未安曾以此意質于先師墳麓先生則以爲主

人晨謁自是逐日常行之禮故參禮下不再言以此觀

之主人夙興率一二執事行晨謁而開門每龕設新果

陳設畢與家衆序立行事如儀歟夏詳之

一大盤于卓上具茶酒常食數品又曰有新物則薦于

影堂宮東萊宗法新麥出設湯餅新米出設飯准正月

朔設湯餅儀蠶以蠶盛新果而穀菜之類隨宜又曰俗

節亦薦新晦齋李先生奉先雜儀有新物則晨謁時薦

之粟谷曰新物須於朔望俗節并設若五穀可作飯者

則當具饌數品同設若魚果之類則隨得卽薦晨謁時

啓櫝單獻焚香再拜退溪曰一大盤盤中所設不止一

器又曰未嘗不食新在禮當然

而若出遊遠方則難以膠守

每位茶盞托按東俗不

可酒盞盤各一于神主櫝前設束茅聚沙於香卓前別

也

也

設一卓於阼階上置酒注盞盤一於其上酒一瓶於其
西盥盆帨巾各二於阼階下東南有臺架者在西爲主
人親屬所盥無者在東爲執事者所盥巾皆在北主人
以下盛服入門就位主人北面於阼階下主婦北面於
西階下主人有母則特位於主婦之前主人有諸父諸
兄則特位於主人之右少前重行西上有諸母姑嫂姊
則特位於主婦之左少前重行東上諸弟在主人之右
少退子孫外執事者在主人之後重行西上主人弟之
妻及諸妹在主婦之左少退子孫婦女內執事者在主
婦之後重行東上（儀節每
列爲一行）立定主人盥帨升搢笏
啓櫝奉諸考神主置於櫝前主婦盥帨升奉諸妣神主

置于案東次出祔主亦如之命長子長婦或長女盥帨
升分出諸祔主之卑者亦如之皆畢主婦以下先降復
位主人詣香卓前降神搢笏焚香再拜少退立執事者
盥帨升開瓶實酒于注一人奉注詣主人之右一人執
盞盥詣主人之左主人跪執事者皆跪主人受注斟酒
反注取盞盤奉之左執盤右執盞酌于茅上以盞盤授
執事者出笏俛伏興少退再拜降復位與在位者皆再
拜參神主人升搢笏執注斟酒先正位次祔位次命長
子斟諸祔位之卑者主婦升執茶筴執事者執湯瓶隨
之點茶如前命長婦或長女亦如之（按東俗不用茶此條當闕）子婦
執事者先降復位主人出笏與主婦分立於香卓之前

東西再拜

暖主婦當四拜

降復位與在位者皆再拜辭神而退

○望日不設酒不出主主人點茶長子佐之先降主人

立於香卓之南再拜乃降餘如上儀

張旅軒曰國恤卒笑前私家當廢祭

若正朝則從簡素薦似不可已矣

○凡言盛服者有官則幘頭公服帶

靴笏進士則幘頭襴衫帶處士則幘頭阜衫帶無官者

通用帽子衫帶又不能具則或浣衣或涼衫婦人則假

髻大衣長裙女在室者冠子背子衆妾假髻背子

率先雜儀

有官則公服帶笏無公服則黑團領紗帽品帶無官者黑團領黑帶婦人則大衣長裙○曲禮祭服敝則焚之

俗節則獻以時食

節如清明寒食重午中元

保子曰七月十五日某不用

重陽之類凡

鄉俗所尚者

呂東萊宗法立春日元宵春秋社日七夕

家不車豆者之一

本

日三月三日五月五日六月十五日七月七日八月十五日九月九日及臘日食如角黍凡其

節之所尚者法全端午食粽重陽飲茱萸酒呂東萊宗

寒食薦稠餠冷粥端午薦團粽七夕薦果食重陽薦菓

菊糕栗谷曰如藥飯艾餅水團之類若無俗尚之食當

具餅果數品如朔參之儀寒岡曰冬至豆粥望日香飯

初出於辟瘟飼鳥而遂以成俗人情於是日不能不思

其祖考而以薦以大盤間以蔬果禮如正至朔日之儀

其物享之耳退溪曰國恤卒笑前如俗

節之禮有官者恐不可行

有事則告

告事之具并同參禮祝用執事者一人祝版用版長

木版一方寒岡曰尺當是造禮器尺曹芝山曰高字

以厚言但寸字疑分字之誤會成祝版大小則字多

如正至朔日之儀但獻茶酒祝位並再拜

設之按此茶酒為

再拜告畢訖主婦先降復位主人立於香卓之南祝執

版立於主人之左按主人跪伏跪讀之畢興主人再拜降復

位餘並同畢則揭祝文而焚之○告授官貶官祝文並見下

餘同擊蒙要設若介子孫之事則主人亦告而其詞曰

介子某或介子某之子某隨宜變稱告畢主人西向立當身進于兩階間再拜

授官告辭四代共為一版止告正位不告附位

維

年號幾年歲次干支幾月干支朔幾日干支孝玄孫於高祖考

自稱孝元孫於曾祖考稱孝曾孫於祖考稱孝孫於

考稱孝子非宗子不言孝自稱以其最尊者為主儀

節宋朝諱玄為某官某敢昭告于

顯高祖考

圖註禮經服家禮舊本於高祖考上皆用皇字大德年間省高祖之用顯可也儀節舊本

家範要略卷之一

加皇字今本改故字不如
用顯字蓋皇與顯皆明也
某官封諡府君

顯高祖妣某封某氏

顯曾祖考某官府君

顯曾祖妣某封某氏

顯祖考某官府君

顯祖妣某封某氏

顯考某官府君

顯妣某封某氏某若弟子則云某之某親某
以某月某

日蒙

恩授某官奉承

先訓獲霑祿位餘慶所及不勝感慕謹以酒果用伸虔

告謹告

栗谷曰告及第則曰蒙恩授某科某第及第奉承先訓獲參出身告生進八格則曰蒙恩

授生員或進士某等八格奉承先訓獲升國庠云云

貶官告辭

前同貶某官荒墜

先訓皇恐無地

備要若諸父諸兄則荒墜以下改以謹他語按當云譴罰至此闔門惶悚

以後同

告贈之具

並同前章子二淨水刷子粉盞筆墨硯善寫者黃紙

出主告辭

今依本註及儀節略加添補

孝子某今奉某月某日

制書

按我國不稱制當曰教書或教旨此下當添以某叨站崇秩推恩所生並贈三代則云推恩三代若參勳則云懷參某功臣若以弟子貴則云某之子某若因事特贈則教書下云以顯某親某官府君忠烈可尚

或行誼可尚贈儀節如再贈則云加贈按若因事隨事實稱之具特贈則可尚之下只云特贈某官

顯某親某官書舊銜府君為某官

顯某親某封某氏為某封按若贈三代則列書而每代考位上各書贈字敢請

神主出就正寢改題官封

祝文

年月日孝子某敢昭告于

顯某親某官所贈府君按若並贈三代則當列書

顯某親某封某氏某奉承

先訓竊位于

朝儀節外官則云叨有祿位祇奉按參勲則云猥參勲祿

恩慶有此

褒贈

大全焚黃祭文云獲被恩慶迨祿不及養摧咽難勝

儀節音容日遠追養靡從祇奉命謹以酒果
書且喜且悲敬錄以焚益增哀殞
品當云

酒後同儀節請改題及祭告之文
金言某日贈某官

而一事再告及涉
煩瀆今加節刪
若因事特贈則別為文以叙其意

○告追贈則止告所贈之龕別設香卓於龕前又設一

卓於其東置淨水粉盞刷子硯筆墨於其上餘全同但

祝版云云見上文告畢再拜主人進奉主置卓上執事者

洗去舊字別塗以粉俟乾命善書者改題所贈官封陷

中不改洗水以灑祠堂之四壁主人奉主置故處乃降

復位後同代以下依此註改題於廟中可矣而若繼高

祖之宗則請出所贈之主改題於正寢有合於語類改
葬祭告時出主於寢之訓矣且只以酒果預先告贈而

改題後奉主還故處夏無慰安之儀若以告遷明日合祭之意觀之恐似未備儀節乃設酒果於改題之後而告贈請改之時無酒果之獻又異於以酒果告遷之意愚以為子孫授官既皆有告況此追贈乃是慶豈可不遍告於諸位乎其日在設酒果於廟內諸位告以某考因某事贈某職當位則用出主告辭改題後稍備饌品止一獻讀祝焚黃祭畢入廟則亦不失慰安之節今添損儀節補入于左

補儀節前一日齊宿
淨掃正寢設位布席陳倚卓
命善書者以黃

紙錄制書一通以盤盛置香案上正中其日夙興設

盤盞果脯於櫝前
諸位當
序立盥帨啓櫝出主復位

詣香案前跪焚香
酌酒降神復位參神升斟酒諸位前再拜訖主人詣所贈位香案前

○若繼高祖之宗
則斟酒再拜後先詣高祖位前自告曰孝玄孫某今奉某月某日教旨因某事贈

顯某親某官府君為某官顯某親某封某氏為某封

餘慶所及不勝感愴敢告次詣所贈位前自告云云
若特贈祖或禰一位則告曾祖曰孝曾孫某今奉云
云若特贈曾祖一位而告祖禰則曰孝孫或孝子今

奉云云餘慶二字改以恩慶而上一字自告曰云云告辭再拜奉主詣

洗字塗粉命普書者改題主人奉置櫝前倚復位陳設

陳設主人

詣神位前祭酒奠酒讀祝祝文主人再拜復位跪以

下皆跪祝東面立宣制書畢俯伏興執事者奉所錄

制書黃紙即香案前立祝文焚之畢辭神皆再拜奉

主入櫝入廟還○儀節此蓋在官行之者若請告焚

母而所行之禮止於一獻無乃太簡乎

○主人生嫡長子則滿月而見如上儀但不用祝主人

立於香卓之前儀節主人跪告曰某之婦某氏以某月某日

生子名某敢見告畢立於香卓東南西向主婦抱子進

家範要義卷之二

立於兩階之間再拜我再字疑主人乃降復位後同○

冠昏則見本篇○往依諸劉卜葬卜居亦既累歲乃眷

此鄉實亦祖考所嘗愛賞而欲卜居之地今既定宅敢

伸虔告伏惟降鑒永奠厥居擊蒙要說凡神主移安還

安或奉遷他處則告祭用朔參之儀若廟中改排器物

鋪陳或暫修雨漏處而不動神主則告祭用望參之儀

告辭則臨時製述寒岡移安文曰卜居二載查遭火災

且緣井涸風勁不安仍寓遂謀重遷爰得泗水之陽茅

棟已成草祠亦就茲奉神主取請移安謹具酒果用伸

虔告謹告又慰安文曰座後外壁意外仆破致驚神位

不任惶駭之至倉卒罔措謹即移安外房今將修葺謹

以後同○備要家有喪亦當告也蓋君薨視取羣廟之主藏諸祖廟註象為凶事而聚也以此推之可知其必告也

或有水火盜賊則先救祠堂遷神主遺書次及祭器然後

及家財

檀弓有焚其先人之室則三日哭註室宗廟也燒其宗廟災者哀精神之有虧復綱目漢宣帝甘露元年

太上皇太宗廟火帝素服五日退溪曰神主火燒則
即於前日安神之所設虛位改題焚香設祭使飄散
之神更依於神主可也又曰慰安則倣虞禮而用素
服行之似當寒岡火延祠宇修掃慰安文曰家運不
幸意外失火焰藝之變上及祠宇蒼黃顛倒致驚尊
靈略既修掃遂即還安謹以酒果用伸虔告○按祠
宇火而神主得保則移安正寢或他室而用酒果慰
安可也若神主不保則當即笑臨就祠宇舊墟設靈
帷置虛位揭紙椅朝夕笑設奠不徹三日內造主改
題設盛饌如虞祭祝文曰年月日孝子某敢昭告云
云家運不幸火災孔酷燒盡祠宇禍及神座驚號莫
逮痛隕罔極謹已改成神主伏惟尊靈是憑是依謹
以清酌庶羞祇薦慰事尚饗但不告利成祭畢焚紙
椅奉安於正寢建祠宇還安若三日內改題則笑而
行祭但序立笑盡哀止三獻辭神主不笑過三日而
祭則不笑素服五日而後除之若改題在五日後則
仍素服設奠不徹
慰安祭畢而除

易世則改題主而遽遷之

改題遽遷禮見喪禮大祥章

賤朱子晚年定論詳在本
章附註備要別修吉祭儀

附於禪 祭後 大宗之家始祖親盡則藏其主於墓所而大宗

猶主其墓田以奉其墓祭歲率宗人一祭之百世不改

○大祥章告遷註若有親盡之祖而其別子也則祝版

云云告畢而遷于墓所不埋楊氏復曰藏其主於墓所而不埋則墓所必有祠堂

國朝五禮儀若有親盡之祖始為功臣而百世不遷者則三代外別立一龕祭之退溪曰不遷之主當書幾代

祖某官府君幾代孫某沙溪曰稱先祖可也或稱幾代祖亦河按今有一故家五代以上皆自稱孝玄孫蓋倣

國朝太廟祝孝曾孫之例也○沙溪曰雖有連四代策勲者大典只言始為功臣則第二以下祧遷可知也

備要國家待功臣甚厚使子孫不遷其主則祭四代之家并不遷之位乃五代據禮人臣不可祭五代不得已

高祖當出而祭于別室耶沙溪曰吾宗家有不遷之位高祖出安別室按今俗有不遷位則稱位奉于東壁下

其第二世以下祖親盡及小宗之家高祖親盡則遷其

主而埋之其墓山則諸位迭掌而歲率其子孫一祭之

亦百世不改也

宋王曰禮記藏於兩階間今不得已只埋於墓所接遷主詣墓所先以酒果告

之曰年月日五代孫某敢昭告于顯五代祖考妣之墓

祀典有限親盡乃止敢遷神主將遷墓側分雖難越心

竊悲愴謹以酒果用伸虔告謹告遂掘坎于墓南爇又

許以帛裹主藏于櫃中納于坎實土平之埋畢當有慰

安祭設酒果脯醢或設殷奠隨力為之告辭曰年月日

云云神主既埋廟享永輟追遠莫及不勝感愴謹以酒

羞敬薦慰儀尚饗辭神而退出隧外食餘

○大祥章告遷註其支子也而族人有親未盡者則祝

版云云告畢遷于最長之房

沙溪曰古人同居者一門之內各有私房獨房猶言

家使主其祭

備要既遷于最長房則神主當以主祭者所稱改題而旁題不稱孝沙溪曰改題一節當在遷奉之日

同曰長房既奉遷主則立祠以祭恐無不可又曰奉祠廟者又奉曾祖遷主則曾祖當安於西之第二龕

考妣當安於東之殿下龕第一龕第三龕虛之矣又曰祧主共安祠堂適在仲月時事之時則具飯羹盛

祭為當不然則用酒果以告然具三獻盛祭亦何甚
妨○我宗家吉祭後若長房有故未即遷奉姑安別
室則休寒岡說待時事遷奉固好時祭前一曰遷奉
于長房正寢設酒果改題又以酒果告于禰廟而奉
安祧主於當龕翼日共行時事可也而但宗家吉祭
祝文既曰將遷于某親某之房則祭畢當即遷奉一
日之內再行盛祭恐涉煩瀆只於遷來之日奉安于
正寢序立參謁設酒果焚香降神斟酒奉獻跪告曰
宗玄孫某歿已喪畢禮宜祧遷某以支孫某長當為
奉祧若孫行獨存則去最長二字若曾孫則云某以
曾孫某長謹以奉遷神主將以改題敢告若自長房
遷來而不同行則云最長支孫或曾孫歿已喪畢某
以曾孫之長或玄孫之長當為奉祧謹以以下同若
自同行長房遷來則顯祖考字不必盡改只依儀節
洗有題改之歿已喪畢下云某以次長當為奉祧將
以改題四字代以將改有註告畢洗主改題如追贈
改題之儀題畢奉主置倚上稍備饌品陳設復位降
神奠酒讀祝曰年月日孫某敢昭告于顯祖考妣云
云奉遷祧主改題禮畢追遠如在愴慕深切謹以酒
羞用伸慰儀尚饗主人再拜復位與在位者皆再拜
辭神奉主入廟若無廟之家新立祧廟則奉安於正
中之位若是繼禰之宗則先以酒果告于禰廟曰年

月日孝子某敢昭告云云伏以顯祖考妣神主以宗
孫親盡準禮祧出某在孫最長當為奉祀今將奉安
于廟內謹以酒果用伸虔告謹告若自長房遷于次
長房而不同行則云伏以顯某親神主久在祧廟某
以曾孫或玄孫最長當為奉祀以下同若同行遷來
則只云某以次長當為奉祀云云祭田則長房次次
主之以給祭用為宜而但寒家世守者少設令保守
累代執持一朝遷動亦多難便就其中除出若干入
于長房親盡埋主則以為墓田歲一祭之可也○遷
溪曰最長不能遷奉則權安宗家別室只春秋設祭
似為處變之宜寒圃曰最長者貧且不慧則次長之
權宜奉祀勢所不得已蓋最長房不比宗子之截然
難犯也援今俗或有立別廟於宗家之旁以奉祀
主者而殊失親末盡奉祀之意不如依禮遷奉矣

浚衣制度

裁用白細布度用指尺

中指中節為寸

儀節屈指節向內兩紋尖相距處即鍼經所謂同身寸也

衣全四幅其長過脇下屬於裳

用布二幅中屈下垂前後共爲四幅如今之直領衫但不裁破腋下其下過脇而屬於裳處約圍七尺二寸每幅屬裳三幅圖註衣身二尺二寸按中屈之如此全數幅爲四尺四寸儀節加針縫前三寸後一寸而似太刺當從備要前後各加一寸

裳交解十二幅上屬於衣其長及踝

用布六幅每幅裁爲二幅一頭廣一頭狹狹頭當廣頭之半以狹頭向上而連其縫以屬於衣其屬衣處約圍七尺二寸每三幅屬衣一幅其下邊及踝處約圍丈四尺四寸

圓袂

用布二幅各中屈之如衣之長屬於衣之左右而縫合

其下以爲袂其本之廣如衣之長而漸圓殺之以至袂口則其徑一尺二寸

方領

兩襟相掩袷在腋下則兩領之會自方

補註衣之兩肩各裁八寸

反摺卽剪去之別用布一條自項後摺轉向前綴左右摺剪處表裏各二寸王藻所謂袷二寸是也

曲裾

禮記深衣續袷鉤邊

鄭註續猶屬也袷在裳旁者也屬連之不殊裳前後也楊氏復曰鄭

康成註文義甚明特疏家亂之耳鄭意蓋謂凡裳前三幅後四幅既分前後則其旁兩幅分開而不相屬唯深衣續連裳旁兩幅不殊裳前後也先師知疏家之失而未及修正晚歲所服深衣去家禮曲裾之制而不用儀節裳兩旁前後相交處皆合縫之使相連續不開是謂續袷又覆縫其邊如俗所謂鉤針者是謂鉤邊

黑緣

家禮圖大
緣飾其
四耳及紳
工惟緣其

家禮圖卷之二

廿

緣用黑緇領表裏各二寸袂口裳邊表裏各一寸半袂

口布外別此緣之廣

儀節按玉藻袷二寸緣寸半下互如古禮袷二寸加緣寸半庶生衣制

大帶

帶用白緇廣四寸夾縫之其長圍腰而結於前再繚之

為兩耳乃垂其餘為紳下與裳齊以黑緇飾其紳復以

五采條廣三分約其相結之處長與紳齊

緇冠

糊紙為之武高寸許廣三寸袷四寸上為五梁廣如武

之袷而長八寸跨頂前後下着於武屈其兩端各半寸

自外向內而黑漆之武之兩旁半寸之上竅以受笄笄

用齒骨凡白物

幅巾

用黑縉六尺

許備要用指尺

中屈之右邊就屈處為橫

邊反屈之

天全刺一邊為巾額當中屈指畫而記之即伸屈平鋪就右邊屈處先於其左用指提起

小許摺向又於其右提起小許摺向左右兩相撲着自

用線綴住而空其中間以為小橫 輒左四五寸間斜縫向左圓曲而下遂循左邊至于兩

末復反所縫餘

縉使之向裏天全又將翻轉使以輒當所縫餘縉藏在裏

額前裏之

補註幅巾輒與衰裳輒相撲在外 至兩鬢旁

各綴一帶廣二寸長二尺自巾外過頂後相結而垂之

黑履

白紬

王冠禮註紬者拘也狀如刀衣鼻在履頭劉氏按

儀節用皂絲修尺三四寸許當中交屈之以其屈處綴履頭近底處立起出履頭一二寸歧為二復綴其餘條

於履面上雙文分其兩意（圖氏曰總謂縫中糾音旬也）
 稍綴履口兩邊緣處（綴以白絲為下緣儀節於牙底）
 相接處用一細絲（純圖氏曰純者飾也儀節於履口納）
 綦圖綴於縫中（綦王喪禮疏綦繫于履者經云繫于踵則綦當屬于跟）
 後以兩端向前與綦相連于脚跗踵足之上合結之
 名為繫于踵也（語類綦鞋口帶也古人皆旋繫今人只）
 從簡易綴之於上如假帶然（儀節履後跟綴二皂帶○）
 事拘記原皮曰履三代皆以皮（書儀近世惟赤黑二色）
 赤貴而黑賤今黑履白緣從下也（圖註深衣用白履儀）
 節履順裳色深衣裳白則履亦合用白又禮黑履以青
 為綦總純白履以黑為綦總純深衣用白履則當用黑
 為飾若黑履又當以青為飾

居家雜儀

司馬氏所著今略為刪節

凡為家長必謹守禮法以御羣子弟及家衆分之以職（謂倉廩庫庖廚舍業田園之類）
 授之以事（謂朝夕所幹及非常之事）
 而責其成功制財
 用之節量入以為出稱家之有無以給上下之衣食及吉

凶之費皆有品節而莫不均壹裁省冗費禁止奢華常須
稍存贏餘以備不虞

集說註凡理財先輸貢賦供徭役後及家
事後貢賦為先祭料次之家事又次之

凡諸卑幼事無大小毋得專行必咨稟於家長雖非父母
當時為家
長者亦當咨稟而行之則號令
出於一人家政始可得而治矣

凡為子為婦者毋得蓄私財俸祿及田宅所入盡歸之父

母舅姑當用則請而用之不敢私假不敢私與若父子異
財互相假

借則是子富而父母貧者父母饑而子飽者賈誼所謂
借父纓音憂鉅慮有德色母取箕箒立而許音碎語不孝

不義孰
甚於此

凡子事父母孫事祖婦事舅姑孫婦
亦同天欲明成起盥漱櫛

總具冠帶味爽適父母舅姑之所省問文夫唱喏婦人道
萬福仍問侍者夜

來安否何如侍者曰安乃退其或不父母舅姑起子供藥

安節則侍者以告此卽禮之晨省也

物婦具晨羞供具畢乃退各從其事將食婦請所欲於家

長謂父母舅姑或當時家長也退具而供之尊長舉飭子婦乃各退就

食丈夫婦人各設食於他所依長幼而坐其飲食必均壹

幼子又食於他所亦依長幼席地而坐男坐於左女坐於

右及夕食亦如之旣夜父母舅姑將寢則安置而退丈夫

婦女道安置此卽禮之昏定也居閒無事則侍於父母舅姑之所容兒必

恭執事必謹言語應對必下氣怡聲出入起居必謹扶衛

之不敢涕唾喧呼於父母舅姑之側父母舅姑不命之坐

不敢坐不命之退不敢退

阿燕泉曰揖相傳曰唱喏古人相揖必作聲唱喏者引氣之聲也揖不作聲名曰啞揖受山曰唱喏二字

蓋當時俗語朱子曰恭只是低頭唱喏時便看然則唱喏是低頭致恭若作揖然者而兩字皆從口必曰能言教以唱喏其義非但作揖而已嘗聞中朝人以爲作揖時口道萬福安置云矣又曰道言也萬福問親夜來平安之意安置猶言安穩置字亦有安義欲親安穩過夜之意

凡子受父母之命必藉記而佩之時省而速行之事畢則返命焉或所命有不可行者則和色柔聲具是非利害而白之待父母之許然後改之若不許苟於事無大害者亦當曲從若以父母之命爲非而直行己志雖所執皆是猶爲不順之子況未必是乎

凡父母有過下氣怡色柔聲以諫諫若不入起敬起孝悅則復諫不悅與其得罪於鄉黨聞寧熟諫父母怒不悅而撻之流血不敢疾怨起敬起孝

凡為人子弟者不敢以富貴加於父兄宗族

加謂恃其富貴不率卑幼

禮之

凡為人子者出必告反必面有賓客不敢坐於正廳

有賓客坐

於書院無書院則坐於廳之旁側

升降不敢由東階上下馬不敢當廳凡

事不敢自擬於其父

凡父母舅姑有疾子婦無故不離側親調嘗藥餌而供之

父母有疾子色不滿容不戲笑不宴遊舍置餘事專以迎

醫檢方合藥為務疾已復初

凡子事父母父母所愛亦當愛之所敬亦當敬之至於犬

馬盡然而況於人乎

凡子事父母樂其心不違其志樂其耳目安其寢處以其

飲食忠養之幼事長賤事貴皆倣此

劉氏璋曰樂其心者謂左右侍養也晨昏定省也出入從遊也起居奉侍也必當瀆討其心之所好者所惡者何在苟非悖乎大義則蔑不可從所以安固老者之志以適其氣也樂其耳者非聲音之末也善言常入於親耳善行常悅乎親目皆所以樂之也安其寢處者謂堂室庭除必完潔簟席氈褥衾枕帳幄必修治之類小學註養之以物止足以養其口體養之以忠則足以養其志矣

凡子婦未敬未孝不可遽有憎疾姑教之若不可教然後怒之若不可怒然後笞之屢笞而終不改子放婦出然亦不明言其犯禮也子甚宥其妻父母不悅出子不宜其妻父母曰是善事我子行夫婦之禮焉沒身不衰

凡爲宮室必辨內外淡宮固門內外不共井不共浴堂不共廁男治外事女治內事男子晝無故不處私室婦人無

故不窺中門男子夜行以燭婦人有故出中門必擁蔽其

面如蓋頭面男僕非有繕修及有大故謂水火盜不入中

門入中門婦人必避之不可避亦謂如水火盜亦必以袖遮

其面女僕無故不出中門有故出中門亦必擁蔽其面雖

然鈴下蒼頭但主通內外之言傳致內外之物毋得輒

升堂室入庖廚

凡卑幼於尊長晨亦省問夜亦安置丈夫唱婦人坐而

尊長過之則起出遇尊長於道則下馬不見尊長經再病

以上則再拜若卑幼自遠方至見尊長遇尊長三人以上

同處者先共再拜叙寒暄問起居

賀冬至正朔朔望同居宗族聚於堂上此假說南丈夫處

面之堂

左西上婦人處右東上嫁長之左右皆北向共為一列各以長

幼為序婦以夫之長幼為序共拜家長畢長兄立於門之左長姊立

於門之右皆南向諸弟妹以次拜訖各就列丈夫西上婦

人東上共受卑幼拜若人人致拜則不勝煩勞故同列共受之受拜訖先退後

輩立受拜於門東西如前輩之儀

儀節是日昧爽拜祠堂畢設主人主婦坐席於廳事

我主人坐東主婦坐西序立男左女右男西上女東

上主人之弟弟婦並妹為一行子姪及其婦並女子

為一行孫男孫婦孫女為一行共拜主人主婦按男

再拜女四拜或從俗單拜長者就次主人諸弟中推

其最長者一人立主人左其妻立主婦右弟姪以下

依前行次序立拜之拜訖又以次推其長者就次拜

之如前儀拜遍諸子姪輩行同者分班對立男左女

右互相拜凡受女婿及外甥拜立而扶之扶謂外孫則立而受之可

也

爾雅姊妹之子曰甥也曰小垂手揖之謂之扶扶者扶起人之義也搗以手拘執之義策即扶策之義謂以手拘執而扶策以起蓋不敢晏然受拜而辭之之義也我女婿謂之外甥此蓋指姊妹子也外孫則坐而受之可也

凡節序及非時家宴上壽於家長卑幼盛服序立如朔望之儀先再拜子弟之輩長者一人進立於家長之前幼者一人搢笏執酒盞立於其左一人搢笏執酒注立於其右長者搢笏跪斟酒祝曰伏願某官備膺五福保族宜家尊長飲畢授幼者盞注反其故處長者出笏俛伏興退與卑幼皆再拜家長命諸卑幼坐皆再拜而坐家長命侍者徧酢諸卑幼諸卑幼皆起序立如前俱再拜就坐飲訖家長

命易服皆退易僂服還復就坐

簾節是日行拜賀禮訖子弟修具請家長夫婦並坐于中堂諸卑幼盛服序立世爲一行男左女右再拜長者進立于家長之前幼者一人執盞立於其左一人執注立於其右俱跪長者受盞幼者執注斟酒訖二幼起長者舉手奉盞祝曰伏願某親履茲長至正朝則改長至爲歲端生朝則改云對茲初度備膺五福保族宜家祝畢家長受盞飲訖以盞授幼者反其故處長者俯伏興復位與卑幼俱再拜拜訖侍者注酒于盞授家長家長命長者至前親以酒授之長者受酒置于席端再拜取酒跪飲畢興長者命侍者以次酢諸卑幼皆出位跪飲畢執事者舉食卓入擺列男席于外女席于內婦女辭拜入內席家長命諸卑幼坐惟末冠及冠而未昏者不得坐諸卑幼俱再拜而後各就席以次行酒或三行或五行子弟送起勸侑隨宜畢各出席再拜禮畢

凡子始生若爲之求乳母必擇良家婦人稍溫謹者子能食食教以右手能言教之自名及唱喏萬福安置稍有知

教之以恭敬尊長有不識尊卑長幼者則嚴呵禁止六歲

教之數與方名男子始習書字女子始習女工之小者七

歲男女不同席不共食始誦孝經論語雖女子亦宜誦之

八歲出入門戶及卽席飲食必後長者始教之謙讓女子

不出中門九歲男子誦春秋及諸史女子亦講列女傳女

戒之類略曉大義詩今人或教女子以作歌十歲男子出就

外傳居宿於外讀詩禮傳爲之講解使知仁義禮智信自

是以往可以博觀羣書凡所讀書必擇其精要者而讀之

如禮記學記大學中庸樂記之類其異端非聖賢之書傳宜禁之勿使妄

觀以惑亂其志觀書皆通始可學文辭女子則教以婉婉

聽從及女工之大者女工謂蠶桑織績裁縫及爲飲膳不惟正是婦人之職兼欲使之知衣食

所來之艱難不敢恣爲奢麗至於纂組華巧之物亦不必習也末冠笄者質明而起終角饋饋面以見尊長佐長者供養祭祀則佐執酒食若既冠笄則皆責以成人之禮不得復言童幼矣

凡內外僕妾鷄初鳴咸起櫛總盥漱衣服男僕灑掃廳事及庭鈴下蒼頭灑掃中庭女僕灑掃堂室設倚卓陳盥漱櫛饋之具主父主母既起則拂牀褰衾侍立左右以備使令退而具飲食得間則浣濯紉縫先公後私及夜則復拂牀展衾當晝內外僕妾雖主人之命各從其事以供百役凡女僕同輩謂兄弟謂長者爲姊後輩謂諸子謂前輩爲姨內則雖婢妾衣服飲食必後長者鄭康成務相雍睦其有鬪爭者主父主母聞之卽訶禁之不止卽杖之理曲者

杖多一止一不止獨杖不止者

凡男僕有忠信可任者重其祿能幹家事次之其專務欺詐背公徇私屢爲盜竊弄權犯上者逐之

凡女僕年滿不願畱者縱之勤舊少過者資而嫁之其兩面二舌飾虛造讒離間骨肉者逐之屢爲盜竊者逐之放蕩不謹者逐之有離叛之志者逐之

家禮輯要卷之一

家禮輯要卷之二

冠禮

冠

王冠禮孔子曰雖天子之元子猶士也天下無生而貴者故也采子曰鄭玄謂古者四民世事士之子恒為士竊想鄭意似謂士之子雖未仕亦得用此禮爾

男子年十五至二十皆可冠

司馬溫公曰自十五以上俟其能通孝經論語粗知禮

義然後冠之其亦可也

必父母無暮以上喪始可行之

大功未葬亦不可行

禮記曾子問將冠子冠者註賓及贊者至揖讓而入聞齊衰大功之

喪如之何孔子曰內喪註大門內之喪則廢外喪則冠而不醴徹饌而掃卽位而笑如冠者未至則廢雜記以喪冠者雖三年之喪可也既冠於次註居喪之次入笑踊三者三乃出曾子問註齊衰以下可因服而冠斬衰

不可羅記已雖小功既卒笑可以冠下殤之小功
註自暮而降則不可接大功未葬據父母而言

告祠之具正同參禮

祝文式

年月日孝玄孫某官某若族人以宗子之命自冠其

子祝版亦以宗子為主曰使介子某敢昭告于

顯高祖考某官府君

顯高祖妣某封某氏

四代列書如授官告辭

某之子某

若某親之

子某年漸長成將以某月某日加冠於其首謹以酒

果用伸虔告謹告

若宗子自冠則云某將以某月某

日加冠於首

前期三日主人告于祠堂

古禮筮日今不能然但正月內擇一日可也

會成後漢志正月甲

子若丙子為吉日加元服夏小正記二月謂冠子之時禮夏冠用其履冬冠用皮履此又以四時皆可冠也曲禮內事以柔日註內事如冠昏之禮士冠禮註前期三日空二日也

謂祖及父自為繼高祖之宗子者若非宗子則必繼高祖之

宗子主之有故則命其次宗子若其父自主之告禮見祠堂章○若宗子已孤而自冠則亦自為主人

戒賓

古禮筮賓今不能然但擇朋友賢而有禮者一人可也

禮記註宗族無相賓客之道

是日主人浹衣詣其門所戒者出見如

常儀啜茶畢戒者起言曰某有子某若某之某親有子某將加冠於其首願吾子之教之也對曰某不敏恐不

能供事以病吾子敢辭戒者曰願吾子之終教之也對

曰吾子重有命某敢不從王冠禮主人戒賓賓禮辭許主人再拜賓答拜主人退賓

拜送地遠則書初請之辭為書遣子弟致之所戒者辭使

者固請乃許而復書曰吾子有命某敢不從○若宗子

自冠則戒辭但曰某將加冠於首後同王冠禮若孤子則父兄戒宿諶

父兄諸父諸兄疏諸父諸兄非己之親父兄也

補書式見儀節

某郡姓某再拜奉啓按本朝進御文字皆稱啓字當以白字代之後倣此

某官執事稱號隨宜某有子某若某親之子某年及成

人將以某月某日加冠於其首求所以教之者僉曰

以德以齒咸莫吾

子宜至日不棄

寵臨以惠教之則某之父子感荷無極矣未及躬詣門下尚祈

照亮不宣

若宗子自冠則去有子某及之父子六字

字當改曰某家宗子某

父子二字改曰宗族

年月日具位姓某再拜右請書

某郡姓某再拜奉復

某官執事某無似伏承吾

子不棄名爲冠賓浚恐不克供事以病盛禮然嚴命有加敢不勉從至日謹當躬造治報不虔餘需

面旣不宣

年月日具位姓某再拜奉復右復書

前一日宿賓

遣子弟以書致辭曰來日某將加冠於子某若某親之
子某之首吾子將莅之敢宿某上某人答書曰某敢不
夙興某上某人王冠禮賓如主人服出門左西面再拜
賓答拜主人東面答拜乃宿賓賓許主人再拜
退賓拜送○若宗子自冠則辭之所改如其戒賓

補書式

某上

某官執事某將以來日加冠於子某若某親之子某
雙疑禮通送示子

自冠改於
子作於某吾

子既許以惠臨矣敢宿本註云如其戒賓則恐當
日加冠於首若依土冠禮父

兄宿賓則當日某家宗子
某將以來日加冠於其首

年月日某再拜上

某復

某官執事承

命以來日行禮既蒙

見宿敢不夙興

年月日某再拜上

補

宿贊冠者

士冠禮文疑禮通攷冠儀補入今從之

賓自擇其子弟親戚習禮者為贊冠者

本註文本在賓至條今移于此

○朱子曰佐賓雖輕亦必擇其賢而習禮者為之不來則亦有闕故並宿之使必來也疑禮通攷冠儀家禮從簡只令賓自擇贊者而朱子晚年之論如此若欲盡禮宜與賓議定一人宿之恐穩

○主人擇子

弟親戚習禮者一人為儐

亦本註文本在序立條今移于此○周禮註出接賓曰儐

○儀節執事者用子弟為之禮生請習禮者一人為之引導唱贊如官府行禮之儀先期演習然後行之庶幾無失疑禮通攷冠儀禮生即今俗所謂執禮及東西唱之類恐不可闕

陳設之具

洗二實贊所用疑禮通攷冠儀設水用罍洗盤用洗承其棄水之器也溫公云今

私家無罍洗但用盥盆當依此用之○帳巾三賓贊所用帷幕所以障之為房室者大席二一所以鋪廳事者如今鋪陳之類一所以鋪庭中者小席二所以設賓主位者白土所以畫為東西階級者儀節用石灰實次設於門外

陳設

設盥帨於廳事

冠禮設洗直音偃于東榮屋翼也南

儀節洗盆帨巾設於東階下東南

如祠堂之儀

冠儀古者重冠行之於廟所以尊重事而不敢

擅盥公曰今人影堂褊隘難以行以帝幕周禮註在旁禮但冠於外廳并在中堂可也

幕帝坐為房於廳事之東北溫公曰無室無房則以帝

上承塵為房於廳事之東北幕截其北為室其東北為

房此皆據廳堂或廳事無兩階則以堊畫而分之溫公

南向者言之曰分其中央以東者為阼階西者為賓階儀節無階級

用石灰畫東西階皆三級凡冠者席與賓主位次皆用

灰依圖界畫○按廳事當以大席鋪中庭以備賓命字之位○

當各陳一小席又以大席鋪中庭以備賓命字之位○

補設賓次王冠禮註賓次門外夏衣處以帷幕簾席為

服不同故須入次夏易也儀節於便室或用帷幕一處

為賓次我賓之入時夏衣出後憩息皆不可無次故今

八補

陳冠服之具

所以理髮合紒者簪梁色緇為之所

之簪見儀節所以固冠者或骨或木為之緇布冠

幅巾疑禮通攷冠儀無則用程冠衮衣天帶冠履

無繫右五者初加所用制見通禮冠子儀節其制不

可攷擬代以時樣帽子疑禮通攷冠儀笠子卑衫儀

簪其制不可攷擬用直領衣疑禮通攷冠儀代以時

幘頭出於隋唐朱子嘗言後周之制而本非古冠我
東新及第所着亦各幘頭而異於周制儀節以為今
制幘頭唯有官者得用當用儒巾而但士冠禮用爵
弁皮弁家禮亦用公服則以時樣紗帽代之恐無妨
公服朱子曰上領公服聯綴斜帛凌成盤曲之勢以
為圓領考證我國團領疑亦出此疑禮通攷冠儀用
時樣黑紅團領軍帶即品帶靴儀節用皂色右五者
三加所用按今俗或於再加用儒巾青道袍三加用
笠子黑紅團領以此拜母拜廟此乃儒士常服恐亦
無害筭四見儀節所以盛槁須綱巾及三加衣帶履
者盤三所以各盛冠巾者帕三所以覆冠巾者盤盤
酒注三所以各盛冠巾者帕三所以覆冠巾者盤盤
以醺者卓子三一陳房中置衣帶鞋櫛綱巾者一
陳北壁下置酒注盞盤脯盤槩者一陳西階置冠巾
盤者洗贊者所以洗爵陳房中冠儀
所補席二一布冠位者一布醺位者

敬明夙興陳冠服

有官者

寒岡曰或謂有官即其父有官芝山曰宋時朝
官或郊祀覃恩或遺表恩澤子孫雖在襁褓得

以授官故有公服帶靴笏無官者闌衫帶靴通用皂衫
既官而冠者

浚衣大帶

冠程子曰冠禮須用時服朱子曰若一如古人

用浚衣幅巾再加三加以時服亦是存古之意疑禮通

致冠儀欄衫阜衫本非古制朱子只用當時之服今亦

用時服陳履書儀黑履白緣櫛王冠禮櫛實于

之思便履履夏用絳冬用皮櫛王冠禮櫛實于

陳衣帶履梳網皆卓子陳于房中王冠禮陳服于房中

巾金用笥盛之皆卓子陳于房中王冠禮陳服于房中

在其棠東領北上王冠禮疏喪禮西領或南領此東領

之南東領北上王冠禮疏喪禮西領或南領此東領

北上便也爵士冠禮陳服先言尊服三加服當在北一

行再加服在次行初加服在第三行櫛常掠在第四行

補蒲筵二在南士冠禮文今補八○疏酒注盞盤脯醢

櫟此三者儀節所補○王冠禮側尊一甔醢在服北有

公曰古者用醢今以酒代之我士冠禮注亦以卓子陳

房中之洗直室東隅籩在洗東北面盥

于服北幘頭帽子冠并巾各以一盤盛之蒙以帕以卓

于西站南南面東上註匱竹器站在堂角疑禮通長子

致冠儀古禮三人各執一今一人守之從簡也

則布席于阼階上之東冠儀冠於阼以著代也○履下

布席也所謂蒲筵在南者陳二筵於房中衣履之南以

備冠禮時之用也今此布席阼階者蓋先定冠位以試

席形所占廣狹也思當布席占地用少北西向衆子則

灰畫之而卷陳於房中衣卓之南

少西南向王冠禮註不於阼階非代也○宗子自冠則如長子之席

少南匱士冠禮註嫡子冠於阼少北避主

主人以下序立

主人以下盛服就位王冠禮主人玄端爵韠兄弟畢袡

致冠儀主人當著袞衣或玄圓主人阼階下少東西向

領親戚雖降主人亦當吉服子弟親戚釋名父黨曰戚僮僕在其後重行西向北上僨

立於門外西向將冠者雙紒儀節紒即紒字疑四袞

衫書儀若無四襖衫只用衫襖四襖勒帛采屐儀節

用以裹足者采屐疑是以采帛為之此蓋當時童子服

隨時用童子常服代之無害疑禮通攷冠儀今只用行

膝及時樣鞋恐便在房中南面若非宗子之子則其父立於主

人之右右恐尊則少進卑則少退○宗子自冠則服如

將冠者而就主人之位

賓至主人迎入升堂

賓贊俱盛服至門外王冠禮賓如主人服贊者玄端從

暫於便處小憩以待主人之出東面立贊者在右少退僮者入告主人

儀節禮生唱主人出門左西向再拜賓答拜儀節主東

日請迎賓主人揖贊者贊者報揖主人遂揖主人先

拜賓答拜主人揖贊者贊者報揖儀節此揖主人遂揖

而行儀節舉手作揖遂賓贊從之入門分庭而行揖讓

而王冠禮每曲揖註至階又揖讓而升王冠禮至于廟

又三主人由阼階先升少東西向賓由西階繼升少西

東向禮西站南執冠贊者盥帨王冠禮贊者盥于洗西

不可與賓並故由西階升入於房中西向王冠禮贊者

與主贊並立敬賓之贊故位在南采王冠禮贊者

禮註堂東西少北西面儀節儼按畫布席○饌衆將冠

者出房南面王冠禮註南面立于○若非宗子之子則

其父從出迎賓入從主人後賓而升立於主人之右右

當口前禮雖從主人出入而○土冠禮若孤子則冠之

于序端皆如冠主禮於阼註

祝辭集說凡祝辭紅紙書之疑禮通致先

以紙書祝辭賓預置懷中既加讀之

始加祝曰令月吉日始加元服棄爾幼志順爾成德壽

考維祺介爾景福按本註作吉月令日今從士冠禮改之

再加祝曰吉月令辰乃申爾服敬爾威儀淑慎爾德壽

壽萬年永受胡福儀節按儀禮及舊本皆作胡今本作福退改從舊按本註作謹爾威儀今從

士冠禮改之

三加祝曰以歲之正王冠辭正猶善也以月之令咸加爾服兄

弟具在以成厥德黃耆無疆受天之慶按簡易家禮無兄弟具在一句

醺辭曰旨酒既清溫公曰古者冠用醴今私家無醴以酒代之但改醴辭甘醴唯厚為旨酒

既清嘉薦令芳拜受祭之以定爾祥承天之休壽考不忘

字辭曰禮儀既備令月吉日昭告爾字爰字孔嘉髦士

攸宜宜之于嘏永受保之

賓揖將冠者就席為加冠巾冠者適房服深衣納履出

賓揖將冠者出房立于席右向席

上註既云將冠者出房南面此註出房

二字必是付文立字上疑脫進字蓋將冠者出房南面立於房外北壁下賓揖之然後進立席右歟但士冠禮出房南面下只曰贊者奠纓笄櫛于筵南端而無賓贊揖將冠者立席右之語儀節依古禮去此一節甚當贊

者取櫛纓掠置于席左

王冠禮奠于筵南端儀節用笥盛之

興立於將冠

者之左賓揖將冠者即席西向跪贊者如其向跪

席右而置櫛纓掠于席左者以贊者當在冠者之左櫛纓之右也

為之櫛合紒施掠

合紒包網巾訖贊者降按贊者無降立之位且古禮有加冠後贊者卒之文不降而興少退立恐當賓乃

降

儀節降階

主人亦降

王冠禮賓降主人降賓辭主人對註主人降為賓將盥不敢安

位賓盥畢

王冠禮疏賓盥於先南北向

主人揖升復位執事者以冠

巾盤進賓降一等受冠絳執之

王冠禮賓降西階一等執冠者升一等東面授

賓賓右手執項左手執前正容徐詣將冠者前向之祝曰祝辭見上乃

跪加之儀節以冠笄簪子加將贊者以巾跪進賓受加冠者之首贊者代簪之

之興復位王冠禮贊者卒註卒謂設缺項結纓也冠者興禮儀節依士冠禮補入

賓揖冠者適房釋四袂衫服浹衣加大帶納履出房儀節

未即席正容南向立良久○若宗子自冠則賓揖之就席

賓降盥畢主人不降餘並同

再加帽子服皐衫革帶繫鞋

賓揖冠者即席王冠禮賓跪執事者以帽子盤進賓降

二等受之執而詣冠者之前王冠禮執進如初祝曰祝辭見上

贊者徹冠巾乃跪加之興復位儀節冠者亦興揖冠者適房釋浹衣

服皐衫革帶繫鞋出房立南面

三加幘頭公服革帶納靴執笏

禮如再加書儀賓盥如初儀節賓唯執事者以幘頭盤

進賓降没階受疑禮通攷冠儀右祝曰祝辭贊者徹帽

賓乃加幘頭儀贊者徹帽授執事者賓跪加執事者

受帽徹櫛入于房王冠禮徹皮弁再加者冠初加者櫛

本註三加有徹帽受帽之文而再加無之其或闕脫

古禮皮弁及冠並徹於三加既畢之後蓋再加時正纚

如初則其去初加之冠明矣而無徹去之文竊料再加

時贊者徹冠授執事者待禮畢而並徹入于房矣然則

本註徹帽之徹脫去於冠者之首也餘並同後士冠禮

古禮徹皮弁之徹掃除於堂中也

纁裳鞋鞞如加皮弁之儀冠者適房釋阜

乃醺

長子則儻者改席于堂中間少西南向

郊特牲醺於衆客位加有成

子則仍故席

士冠禮註不離於贊者酌酒于房中

圖儀禮

西

向酌酒疑禮通致冠儀按士冠禮疏房中有洗而家禮從簡不言儀節云若人家窄狹就堂下盥洗處先洗酌

入房依

此恐便

出房立于冠者之左賓揖冠者就席右

士冠禮

南向乃取酒

士冠禮賓受

就席前北向祝曰

祝辭

冠者

再拜升席南向受盞

儀節受

賓復位東向答拜

補贊者

薦脯醢

士冠禮文儀節補入○儀節

冠者進席前跪

禮冠者

即筵坐左執觶右祭脯醢置於席前空地

祭酒

士冠禮祭三

節右手執脯醢

置於席前空地

祭酒

士冠禮祭三

許于

興就席末

儀節退就席末

跪啐酒

王冠禮註啐

義疏祭酒敬主人之物故在席上

啐酒入於已故

興降

在席末蓋席上祭酒是貴禮席末啐酒是賤財也

席

考證當從席東頭降禮升由下降由上就席右再拜

升席受盞是升由下也席前者以向背言之當為南

席末者以上下言之當為西也又按禮席南向向北向以

西為上然鄉飲酒禮賓南向而以西為下者註以為統

統

於主人也是則醺席雖曰南授贊者儀節執事者南

向當以西為下以東為上贊者遂拜贊者儀節贊者贊

者賓左東向少退答拜冠禮溫公曰醺則醺用酒注一加

醺曾子問疏醺重而醺輕醺則三加後總一醺之醺則

每一加而行一醺也疑禮通攷冠儀按士冠禮三醺各

有辭今既無醺則當從三醺之儀而家禮一醺所以從

簡兩遵之恐無妨采子曰用醺與三醺為適而加耳庶

子則一醺以酒足矣按古禮如此而○士冠禮若孤子

家禮則長廢皆行一醺所以從簡則凡拜北面于

昨階上賓亦北面于西階上答拜

賓字冠者

賓降階東向主人降階西向至冠禮註降復初冠者降

自西階少東南向賓字之曰祝辭見上曰伯某父士冠禮父

是丈夫之美稱如尼仲叔季惟所當士冠禮疏若兄弟

甫嘉甫孔甫之類

冠者對曰某雖不敏敢不夙夜祇奉

儀節冠者再拜賓不答

賓或

別作辭命以字之之意亦可

按劉屏山朱晦庵吳草廬皆別作辭命之見大全及

儀節傲而為之可也

出就次

賓請退

儀節行禮畢賓揖主人曰盛禮既成請退

主人請禮賓

儀節主人揖賓曰某有薄

酒敢醴從者賓辭曰某不敢當主人請曰姑少留賓曰敢不從命

賓出就次

王冠禮賓出主人送

于廟門外註不出外門將醴之也儀節主人舉手揖賓送出外贊從之至客次主人乃退命執事治具

告祠之具

同前

主人以冠者見于祠堂

如祠堂章生子而見之儀但改告辭

儀節主人跪告有祝則讀祝按若是

長子則不可草草口告而止當依告授官之例具祝文曰年月日云云某之子某今日冠畢敢此祇見謹以後

同曰某之子某若某親某之子某今日冠畢敢見堂祠

本註主人告畢立於香卓東南西向主婦抱子而拜主人乃降復位而儀節告畢主人與復位冠者見恐當以

本註冠者進立於兩階間再拜餘並同○若宗子自冠

則改辭曰某今日冠畢敢見遂再拜按爵酒不拜告畢乃再拜降復

位餘並同○若冠者私室有曾祖祖以下祠堂則各因

其宗子而見自為繼曾祖以下之宗則自見曾子問父

掃地而祭於禰已祭而見伯父叔父按此指支子之子

而言觀伯父二字可知今以此本註觀之當先見高祖以下之廟而見禰廟

冠者見于尊長

父母堂中南面坐諸叔父兄在東序諸叔父南向諸兄

西向諸婦女在西序諸叔母姑南向諸姊妹東向冠者

北向拜父母父母為之起

溫公曰冠儀見於母母拜之見於兄弟兄弟拜之成人而

與為禮也今則難行但於拜時母為之起立可也見諸父及兄倣此

同居有尊長則父母

以冠者詣其室拜之尊長為之起還就東西序每列再

拜應答拜者答

疑禮通攷冠儀姊妹之類

若非宗子之子則先見宗

子及諸尊於父者於堂乃就私室見於父母及餘親○

若宗子自冠有母則見于母如儀

疑禮通攷冠儀按土冠禮醴禮纔畢未字

之前冠者見于母而家禮拜母在見祠堂之後且禮疏曰不見父與賓者蓋冠畢則已見也而家禮俱拜父母

此皆朱子參酌情文隨時損益之意當以家禮為正族人宗之者皆來見於堂上

宗子西向拜其尊長每列再拜受卑幼者拜

乃禮賓

主人以酒饌延賓及僎贊者

士冠禮醴賓以一獻之禮註一獻之禮有薦有俎獻

酢酬賓主各兩爵而禮成疏主人進酒於賓曰獻賓卒
爵又自酌以答主人曰酢主人既卒酢爵又酌自飲復
酌進賓導飲曰酬儀節主人至客次迎賓先行賓贊禮
生及諸親朋隨之至階揖讓主人先升自東階賓繼升
自西階贊以下以序升就位主人拱手向賓前曰某子
加冠賴吾子教之敢謝遂再拜賓答拜謝贊賓同若卑
幼不敢當揖之遂進饌主人獻酒賓酢酒獻贊賓以下
如常儀酒遍又令冠者及執事行酒或三行或五行○
按本註太簡丘儀太繁今刪節守之以幣全冠禮主人
如右或從俗用常儀亦不妨西之以幣酬賓束帛儷
皮贊者皆與音預贊冠者為介按此言而拜謝之儀節
賓贊主贊皆與而賓贊為賓之次也執事
者以盤捧幣進主人受以獻賓幣多少隨宜疑禮通攷
賓受以授從者以次奉贊價幣冠儀貧不
能備則用賓贊有差○補賓出主人送于外門外再拜
紙幣亦可歸賓俎土冠禮文疑禮通攷冠儀補入○王冠禮註使
歸賓俎人歸諸賓家也疑禮通攷冠儀家禮慮人之窮
不能備禮故無歸俎一節然今人行冠禮
若設酒饌則送賓之際略倣此儀恐宜

冠者遂出見于鄉先生及父之執友

冠者拜先生執友皆答拜若有誨之則對如對賓之辭
且拜之先生執友不答拜

附鄭氏別儀是日夙興告祠堂不用祝先期擇親屬
一人為賓子弟一人為贊一為禮生主人立堂上東
階上賓立西階上再拜執事者布冠者席于主人右
少北將冠者即席跪梳髮合髻賓盥執事者奉進冠
筓賓受之行至冠者前祝以始加之辭跪加巾與復
位冠者興釋舊服着時服納靴出降階立少東南向
賓主俱降階祝用前辭字曰某冠者對辭再拜禮畢
見于祠堂尊長俱如上儀如賓不能祝不用冠者對
辭亦不用丘氏曰鄭氏家儀有或因事故簡便行禮
之儀今恐人家有力不能備禮者略倣其儀別為儀
節附于下

筓

女子許嫁筓

年十五雖未許嫁亦筓

士昏禮註許嫁已受納徵禮也
說文筓簪也其端刻鷄形補註

婦人不冠以簪固髻禮女子十有五
年許嫁并而字雖未許嫁年二十而并

母為主

宗子主婦則於中堂非宗子而與宗子同居則於私室

與宗子不同居則如上儀疑禮通攷冠儀指中堂

前期三日戒賓一日宿賓

賓亦擇親姻考證曰親己之親姻夫之親恐未然爾雅云壻之父為姻婦之父為婚壻婦之父

母相謂為婚姻婦之黨為婚兄弟壻之黨為姻兄弟親蓋謂下文己之尊長卑幼夫黨尊長卑幼也姻是婚姻

家之婦女也下文非親戚而往來者是也婦女之賢而有禮者為之采子曰

則主婦當戒外姻為女賓使之着并而遂禮之未許人嫁而并則不戒女賓而自以家之諸婦行并禮也

牋紙書其辭使人致之辭如冠禮但子作女冠作并吾

子作某親或某封稱○凡婦人自稱於己之尊長則

曰兒卑幼則以屬

考證或姑或姊之類

於夫黨尊長則曰新婦卑

幼則曰老婦非親戚而往來者各以其黨

按如丘儀所稱忝親辱交

類為稱後倣此

補書式

見儀節

忝親某氏

非親則云辱交或辱識

拜啓

某親某封粧次并禮久廢茲有女年適可并欲舉行之

伏聞吾

親非親則改夫人孺人隨所稱

閒於禮度敢屈

惠臨以教之不勝幸甚

年月日某氏拜啓

右請書

忝親某氏拜復

某親某封粧次蒙不棄

名爲笄賓自念粗俗不足以相盛禮然既有
命敢不勉從謹此奉復

年月日某氏拜復右復書

陳設

如冠禮但於中堂布席如衆子之位

厥明陳服

如冠禮但用背子

采子曰不着背子則大衣冠禮通攷冠儀背子如今俗長襖子之類

冠

笄

考證婦人亦首有所着者如副次謂之冠蓋冠而笄之也疑禮通攷冠儀如今女帽之類

序立

主婦如主人之位

儀節主婦東階下少東西向女眷重行在後北上

將笄者雙

紵衫子

疑禮通攷冠儀用時制衣服

房中南面

賓至主婦迎入升堂

如冠禮

儀節主婦出中門見賓相拜各就位

但不用贊者

儀節用侍者代之王氏曰幼女

多羞不用贊

波不能行主婦升自阼階

賓為將拜者加冠拜適房服背子

略如冠禮

按儀節賓以手導將拜者即席西向跪而但既向南向之席則改為西向無義當南向但

祝用始加之辭不能則省

乃醮

如冠禮辭亦同

乃字

如冠禮但改祝辭髦士為女士

疑禮通攷冠儀婦人字亦稱伯叔朱子女名以

癸巳字曰叔
寢詩摯仲氏任乃戴
嫡之字漢鮑宣之妻字曰少君

乃禮賓皆如冠儀

儀節如冠儀而少省○疑禮通攷冠儀并禮今俗元無
行之者或有好古篤禮之人於昏禮前一二日行并則
庶不取怪於世而
仍為復古之漸云

家禮輯要卷之三

昏禮

議昏

男子年十六至三十女子年十四至二十

司馬溫公曰古者男三十而娶女二十而嫁今令文男

年十五女年十三以上並聽昏嫁今為此說所以參古

今之道酌禮令之中順天地之理合人情之宜也王吉疏

曰世俗嫁娶太早未知為人父母之道而有子是以教化不明而民多夭劉氏曰女二十而不嫁則為非禮

身及主昏者無暮以上喪乃可成昏

大功未葬亦不可主昏雜記大功之末可以冠子可以嫁子父小功之末可以冠子可以

以嫁子可以娶婦已雖小功既卒笑可以娶妻下殤之小功則不可註下殤小功自暮而降本服重故不可娶

也○朱子君臣服議曰婚姻則一月之後許軍民三月之後許吏士復土之後許選人祔廟之後許承議即以下小祥之後許中大夫以下各借吉三日其中大夫以上則併須禫祭後行吉禮或問有官人婚娶在國恤祔廟後朱子曰只不可帶花用樂少示其變疑禮通攷昏儀國恤祔廟前雖土不當婚娶更詳之○凡主昏如冠禮主人之法但宗子自昏則以族人之長為主王昏禮宗子無父母命之親皆沒己躬命之支子則稱其宗註命之命使者疏母使子之父兄師友命之支子則當稱宗子以命之大小宗皆然季孝述問孝述議親老母欲令今冬畢親但先兄几筵未徹老母乃齊衰三年之服復有妨礙然主昏卻是叔父欲姑從鄉俗就親不知可否朱子曰若叔父主昏即可娶婦無嫌禮律可考但母在而叔父主昏恐亦未然季叔發問既無主昏之人又無同姓近親則外祖主之耶抑其母親主之耶寒岡曰同姓遠族亦可主之無則不免母親主之族莊曰宗子主昏禮也弟既出繼為宗孫則其兄之昏弟主之可也

必先使媒氏往來通言使女氏許之然後納采

司馬溫公曰凡議昏當先察其壻與婦之性行及家法

何如勿苟慕其富貴

家語同姓為宗有合族之道雖百世婚姻不得通巧記不娶同姓以

厚別也國制國家嘉禮及宗室昏娶姓字同則雖異貫不與為昏

綱目書之以為犬羊雜糅唐宋以來尚公主者皆以異姓准唐昭宗取李茂貞子為駙馬此則迫於強臣不可

以為法也○堯卿問舅姑子為昏采子曰律中不許然自仁宗之女嫁李璋家乃是姑舅之子故歐陽公曰公

私皆已通行又如魯與宋齊世為昏其間皆有姑舅之子者從古已然只怕位不是遲溪曰異姓七寸族義已

盡故通昏但據禮律猶計其尊卑之行若不同行則不許為昏同行謂兄弟姊妹之行失此則以亂倫有禁疑

禮通致昏儀古今異宜東俗且重外○采子曰諸侯不親八寸以上恐不可通昏更詳之○再娶大夫娶三

士娶二天全宋何兌凡四娶國制只許三娶若無子則令告官後四娶○喪服傳父必三年然後娶達子之志

也疏父雖為妻替而除然必三年乃娶國制若因父母之命或年過四十而無子者許替年後再娶

納采

儀節問名附

納其采擇之禮卽世俗所謂言定也古禮有問名

昏義註問名者納吉昏義註得吉將歸卜其吉凶納吉而納之也今不能盡用上

用納采納幣以從簡便女之生年不可不問

納采之具履紙長一尺許裁用皮封令善寫者書之今俗又作外封通所以盛書者無則用新

祇褰之使者一人以子弟爲之今俗用僕御著吉冠吉服或乘馬進去似合禮意

補書式見儀節

某郡姓某不稱親者方啓議而未成也

某郡某官執事伏承

尊慈不鄙寒微曲從媒議許以令愛貺室僕之男某

若某親之子某茲有先人之禮謹專人納采因以問

名敢請令愛爲誰氏出及其所生月日將以加諸卜

筮因問今無問名納吉之禮因以問名以下并問只曰
問壻年請期壻家若與相議問女年請期則雖未行
親迎底合古意若從俗女家問壻年請期則因以問
名以下伏惟
盡刪去

尊慈俯賜

鑑念不宣

年月日某郡姓某啓

主人具書

主人卽主昏者書用牋紙如世俗之禮若族人之子則

其父具書告子宗子

疑禮通致昏儀禮壻家主人先發使者而今俗必女家行之殊失男

先於女之義依禮可也

告祠之具

並同告冠時

祝文式

年月日孝玄孫某官某敢昭告于

顯高祖考某官府君

顯高祖妣某封某氏四代列書如冠禮告辭某之子某若某親之

子某年已長成未有伉儷已議娶某郡某官姓名之

女今日納采就以問名若不問名去此一旬不勝感愴謹以後

同冠禮若宗子自昏則自告只曰某年已長成

夙興奉以告祠堂

如告冠儀疑禮通攷昏儀今人定昏不行告祠之節以為未納徵而先告恐有背昏欺祖之失直於

親迎時告祠堂如儀從俗似亦無妨

乃使子弟為使者如女氏女氏主人出見使者

使者盛服

士昏禮註使者夫家之屬若羣吏使往來者疏夫家之屬如主人是上士則屬是中士主

人是中士則屬是下士主人是下士則屬亦當是下士禮窮則同也儀節按儀禮用賓而家禮本書儀用子弟

恐與女氏主人非敵難於行禮今擬兩家通徃來者一人如世俗保親者用以代賓

然他禮不能盡用古禮則循俗如女氏

用賤婦或可乎當與昏家議處

亦宗子為主主人盛服王昏禮疏出見使者非宗子之

女則其父位於主人之右右惡尊則少進卑則少退

啜儀節主人出門外迎賓揖遜主人先升東階賓升西階升啜茶訖賓與主人亦起執事以書授賓

致辭曰儀節無致吾子有惠貺室某也王昏禮註某之

某親某官儀士昏禮云某有先人之禮註某婿父名此則子弟為使者上某字使者名某親某官指

婿父也婿父非宗子則有先人之禮使某請納采從者

以書進使者以書授主人主人對曰某之子若妹姪孫

眷愚又不能教吾子

王昏禮註謂使者

命之某不敢辭北向再

拜使者避不答拜

王昏禮註不答拜者不敢當盛禮

使者請退俟命出

就次若許嫁者於主人為姑姊則不云眷愚又不能教

餘辭並同

疑禮通致昏儀壻家以賤隸為使者則迎賓致辭等禮不可行只令老僕待之

告祠之具前

祝文式

並同前某之第幾女某

若某親某之第幾女某

年漸長

成已許嫁某郡某官姓名之子若某親某

今日納采不

勝感愴謹以後同

遂奉書以告于祠堂

如壻家之儀

書式

某郡姓某啓

某郡某官執事伏承

尊慈不棄寒陋過聽媒氏之言擇僕之第幾女某若

某親之幾女某作配令似或作某親弟姪隨稱弱息

眷愚又不能教疑禮通致昏儀姑既辱采擇敢不拜

從重蒙問名謹具所出及疑禮通致昏儀壻家若不

及七字其生年月日如別幅伏惟

尊慈特賜

鑑念不宣

家範要義卷之三

上

年月日某郡姓某啓

按若婿家從俗只納采而

亦當遣使問年此書敢不拜從之下云茲謹專

人仰請令似生年月日下示如何婿家答書只

名帖式

曰伏承嘉命許以重禮至賜問年其何敢辭謹具其生年月日如別幅

父某

母某氏

女幾行某甲子某月某日某時生

出以復書授使者遂禮之

主人出迎使者升堂授以復書使者受之請退主人請

禮賓

禮賓曰儀節主人曰敢備薄禮請醴從者賓乃以酒饌禮

使者

儀節主人曰敢備薄禮請醴從者賓乃以酒饌禮

客之禮其從者亦禮之別室皆酌以幣

使者復命壻氏主人復以告于祠堂

不用祝

儀禮壻氏主人受書再拜以盤盛書及名帖置

第幾女今已納采問名禮畢敢

告我若不問名則去問名二字

請期具如納采王昏禮請期如納徵禮楊氏曰昏禮

去問名納吉止用納采納幣以從簡便但親迎以前

更有請期一節有不可得而略者今以例推補儀禮

納幣下附請期若納幣未即娶則別請期疑禮通致

昏儀古者請期在納幣之後而今俗必先通昏期而

後納幣同日行之若預行納幣而或有事故延時未

昏甚至壻死者亦難保其必無則臨時納幣在所不

已此其先後之序古今不同故移附于

書式

按疑禮通致昏儀依儀節刪補而與納幣書重疊今更刪改焉

某郡姓某啓

家範彙編卷之三
六
某郡某官執事伏承

嘉命許以重禮辭既不獲敢不告期謹涓吉日以請
某月某日甲子實惟昏期可否唯

命端拜以俟伏惟

尊慈特賜

鑑念不宣

年月日某郡姓某再拜右壻家請書

某郡姓某啓

某郡某官執事伏承

嘉命托姻寒宗涓定吉期復申辱告辭既不許敢不
拜從謹於至日敬備以須伏惟

尊慈特賜

鑑念不宣

年月日某郡姓某再拜右女家復書○按女家請期而婿家答之則嘉

命下改日許以重禮渭定吉期復申辱告辭既不獲敢不敬從謹於以下並刪去

請期具書遣使如女氏女氏受書復書禮賓使者復命

並同納采之儀

王昏禮使者致辭曰吾子有賜命某既中受命矣使某也請吉日對曰某既前

受命矣唯命是聽曰某命某聽命于吾子對曰某固唯命是聽使者曰某使某受命吾子不許某敢不告期曰某日對曰某敢不敬須曲禮內事以柔日註如冠昏之禮按今俗全用陰陽家說雖難猝變擇用柔日恐合禮意

納幣之具

幣玄一纁一多少隨所備或用僂皮屨紙用精品紙長二尺許函朱漆為之所以盛

幣者紅襪二一所以裏玄纁者一所以裏函者皆十

家範要卷之三

有僕從數人右壻家所具帷幕屏風 （卓子）
安從者二人所以奉幣函者右女家所具

書式

忝親某郡姓某啓

某郡某官尊親家執事伏承

嘉命許以令女貺室僕之子某若某親之子某玆有

先人之禮敬遣使者行納徵王昏禮註徵成也禮伊

川聘定啓末端有日有少儀物具如別禮下添入不腆儀物錄

式無此意恐似欠缺行納徵禮下添入不腆儀物錄
在別紙八伏惟

尊慈特賜

鑑念不宣

年月日忝親姓某再拜右壻家書

別紙

按今俗例稱物目近於
模野當依程啓稱別紙

玄一段

纁一段

年月日某姓着署

按此乃俗禮而行之已久
難以猝變從俗恐亦無妨

忝親某郡姓某啓

某郡某官尊親家執事伏承

嘉命委禽寒宗特順先典貺以腆幣辭既不許敢不

重拜伏惟

尊慈特賜

鑑念不宣

年月日忝親姓某再拜

右女家復書○王昏禮
賓壻也至賓者請對曰

吾子命某以茲初昏使某請承命對曰某固敬具以須按儀節前期納幣故有此復書今俗昏日納幣不為復書有問無答殊欠敬謹之道且古禮有賓者請對之辭敢不重拜下添入初昏菲儀敬具以須八字送納于中路恐當

納幣

幣用色

繒王昏禮納徵玄纁束帛三端相向卷而束之儷皮陳淳問溫公用鹿皮如何采子曰大節

是了小小不能皆然亦沒緊要○三禮圖今俗以函代篚貧富隨宜少不過兩疑禮通攷

昏儀玄纁一多不踰十儀疑禮通攷昏儀玄纁五今人更用釵釧羊酒果

實之屬

按此乃當時俗尚今不必用

具書遣使如女氏女氏受書復書禮賓使者復命並同納

采之儀

禮如納采但不告廟

按疑禮通攷昏儀取程伊川聘定略加刪改而錄之若不用丘儀

書式則用此為好或使者致辭改采為幣從者以書幣

進使者以書授主人主人對曰吾子順先典貺某重禮

某不敢辭敢不承命乃受書執事者受幣主人再拜

通致昏儀女家先布席于庭中使者至門下馬女家導

者二人奉書幣函置使者避之復進請命主人授以復

書既納幣有吉日女之父母死則如之何孔子曰壻使人

既納幣有吉日女之父母死則如之何孔子曰壻使人

命女氏曰某之子有父母之喪不得嗣為兄弟使某致

命女氏許諾而不敢嫁禮也壻免喪女之父母使人請

問吉日而女之父母死壻使人弔如未有吉日不當弔

乎采子曰恐無不弔之理鄭道可問納采而壻之父母

昏未納幣而壻之父母死則奈何曰未納幣不可以定
昏論○曾子問曰取女有吉日而女死如之何孔子曰
壻齊衰而弔既葬而除之夫死亦如之註女以斬衰弔
既葬而除鄭道可問納幣而壻之父母死當待服除為
昏若壻死則奈何退漢曰記註女以斬衰弔葬而除也
未論許嫁與否然先儒云聖人不能設法以禁再嫁此
女必無禁嫁之理况吾東方婦女不
許再嫁則此女成服往弔亦恐難行

親迎

前期一日女氏使人張陳其壻之室

世俗謂之鋪房然所張陳者但氈褥帳幔帷幕應用之

物其衣服鎖之篋笥不必陳也朱子曰昏禮須兩家皆好禮方得行又曰今妻

家遠要行禮一則令妻家就近處設一處卻就彼往迎

歸館行禮一則妻家出至一處壻即就彼迎歸至家成

禮疑禮通攷昏儀古禮久廢難以免俗則除親迎一節
外餘皆作禮為當退溪南冥寒岡諸先生之意皆然

設位之具

盥盆二碗二燭一雙酒壺三盤盞三盞二
以小斡判而兩之按今俗以青紅絲繫而

連之筋二雙天席一所以布室中者亦席二所以布
堦婦位者又亦席一所以布室外者簋一果一魚一
肉各二器多少隨宜亦卓二所以設饌分進者天卓
一所以合設牲醴及果肴者疑禮通致昏儀今俗中
設一果牀於對坐之間退溪亦不以爲非從
俗無害執禮一人擇親戚習禮者爲之芻記

厥明堦家設位于室中

設倚卓子兩位東西相向蔬果盤盞匕筋如賓客之禮
酒壺在東位之後又以卓子置合盞一於其南又南北
設二盥盆均於室東隅又設酒壺盞注於室外或別室
以飲從者曲禮爲酒食以召鄉黨僚友以厚其別也又
曰某子聞子有客使某羞註佐其供具之費
能今鄉俗於昏禮備酒饌供賓客亦是古意但竊家不
能辦以致昏禮愆期此非所宜只當稱家有無雖只行
一盃無妨且今行禮於
女家則設位亦如儀

女家設次于外

國當於大門外擇便室設席張帷以為壻至休憇之所

初昏壻盛服

世俗新壻帶花勝擁蔽其面殊失丈夫之容體勿用可也

告祠之具同前

祝文式

年月日並同前某之子某將以今日親迎于某郡某官某

氏不勝感愴謹以後同國若從俗納幣於昏日而始告祠堂則某之子某下改曰年己

長成未有伉儷已議娶于某郡某官姓名之女今日成禮

主人告于祠堂

如納采儀儀節讀祝畢壻立兩階間再拜復位眾拜辭神焚祝○若宗子自昏則

自告

醺子之具

席二

所以布主人及壻位者

酒注一

盤盞

一

盞盞

儀節擇子弟之

習禮者爲之

醺辭

按當如冠禮祝辭書紅紙

往迎爾相承我宗事勉率以敬若則有常非宗子之子則改宗事爲家事

遂醺其子而命之迎

先以卓子設酒注盤盞於堂上主人盛服坐於堂之東序西向設壻席於其西北南向壻升自西階立於席西南向贊者取盞斟酒執之詣壻席前壻再拜升席南向受盞跪祭酒興就席末跪啐酒興降席西授贊者盞又

再拜進詣父坐前東向跪父命之曰醺辭壻曰諾唯恐不堪不敢忘命俛伏興出非宗子之子則宗子告于祠堂而其父醺于私室如儀○若宗子已孤而自昏則不用此禮

親迎之具

禮

是古禮冠帶

黑團領

朱子曰

昏禮用命服乃

是古禮冠帶只是燕服

不若從古之為正

墨車國俗不用車當以鞍馬代之

應生者左首以色

繒交絡之無則刻木為之

儀節刻木為槨近於用瓦

以鵝代之

圍繞

寒岡曰吾東俗禮用圍繞成例

古不用固善如不免俗用之何妨

從者一人或二人

所以沃盥者

前陪一雙

或二雙

從量宜用之

壻出乘馬至女家俟于次

以燭前道壻下馬于大門外入俟于次

告祠之具

莊同

祝文式

年月日

並同前

某之第幾女將以今日歸于某郡某官姓

名不勝感愴謹以後同

按若從俗行禮於女家而始告祠堂則第幾女下改曰年漸長

成已許嫁某郡某官姓名之子今曰成禮

女家主人告于祠堂

如納采儀

醮女之具

並同醮子但有姆儀節擇乳母或老女僕一人為之

遂醮其女而命之

女盛飾姆相之立於室外南向父坐東序西向母坐西

序東向設女席於母之東北南向贊者醮以酒如婿禮

姆導女出於母左父起命之曰敬之戒之夙夜無違舅

姑之命母送之西階上為之正冠斂帔我帔也命之曰勉

之敬之夙夜無違爾閨門之禮諸母姑嫂姊送至子中

門之內為之整裙衫巾以父母之命曰謹聽爾父母之

言夙夜無愆非宗子之女則宗子告于祠堂而其父醮

於私室如儀

迎壻之具席三大席一布於廳事小席二布於大門外以設賓主拜位主東賓西屏風草子

並設於廳事北壁下紅袱所以鋪卓上者燭一雙女從者二人

主人出迎壻入奠鴈

主人迎壻于門外補西面再拜壻東面答拜此九字今依古禮補

八〇王昏禮主人玄端迎于門外西面再拜賓東面答拜註賓壻也黃勉齋親迎禮昏禮大節不可以不嚴門

外再拜之禮不可廢也儀節主人出迎下當補入賓主再拜一節寒岡曰門外拜壻之禮家禮略之而愚以為

不可不主人揖讓王昏禮主人揖以入壻執鴈以從至

于廳事主人升自阼階立西向壻升自西階北向跪置

鴈於地主人侍者受之鴈女從者二人壻俛伏興再拜

主人不答拜若族人之女則其父從主人出迎立於其

右右恐尊則少進卑則少退按門外再拜時其父雖從之但立而不拜

姆奉女出登車

姆奉女出中門壻揖之降自西階主人不降壻遂出女

從之壻舉轎簾以俟姆辭曰未教不足與為禮也女乃

登車

壻乘馬先婦車至其家導婦以入

婦車亦以二燭前導壻至家立于廳事俟婦下車揖之

導以八

壻婦交拜就坐飲食畢壻出

婦從者布壻席於東方壻從者布婦席於西方溫公曰從者皆

以女僕為之○郊特牲共牢而食疏牛羊豕皆謂之牢

祭祀升右胖不用左胖昏禮則以夫婦各一故左右胖

俱升於鼎亦夫婦之義也故謂之同牢昏義疏同食一

牲不異牲也退溪曰今俗中設一果牀於對坐之間於

一體同牢之義不為無文按今俗果牀中設二燭東西

邊各設蜜果魚肉當依古禮室中鋪陳諸具及大卓皆

預設唯壻婦二壻盥于南婦從者沃之進帨婦盥于北

席至是始布壻從者沃之進帨壻揖婦就席婦拜壻答拜溫公曰女

為禮古無壻婦交拜之儀今從俗語類婦先二拜夫答一拜婦又二拜夫又答一拜壻揖婦就坐

從者斟酒設饌儀節從者先舉饌案于壻婦前壻婦祭

酒儀節各傾酒舉般儀節各以般小許又斟酒壻揖婦

小許于地置卓于上空處

舉飲不祭無殺

儀節壻婦各舉飲

又取登分置壻婦之前斟酒

儀節從者以兩登又斟酒和合以進壻婦各執其一

壻揖婦舉飲不祭無殺儀節徹饌

案壻出就他室姆與婦留室中徹饌置室外設席壻從

者餽婦之餘婦從者餽壻之餘

復入脫服燭出

壻脫服婦從者受之婦脫服壻從者受之

王昏禮御衽于奧媵衽良

席在東皆有枕北趾主人親脫婦之纓燭出註御謂壻從者媵謂婦從者衽卧席也婦人稱夫曰良趾足也燭

出將卧息也疏奧婦席也使御布婦席使媵布壻席此亦交接有漸之義

主人禮賓

男賓於外廳女賓於中堂

王昏禮舅饗送者以一獻之禮酬以束錦姑饗婦人送者

酬以束錦註送者女家有司也婦人送者隸子弟之妻妾錦古文皆作帛後世無有司妻妾送來之事而如

圍繞姆媛之類
似當略酬以幣

婦見舅姑

見舅姑之具

案栗士昏禮以獻舅服脩士昏禮以獻姑盤二所以盛贊者士昏禮用笄今以

盤代之章子二分置舅姑前者

明日夙興婦見于舅姑

婦夙興盛服俟見舅姑坐於堂上東西相向

儀節按集禮舅姑在

南面坐堂中今人家多如此或從俗亦可

各置卓子於前家人男女少於舅

姑者立於兩序如冠禮之叙婦進立於阼階下北面拜

舅

溫公曰古者拜于堂上今拜于下恭升儀節從者以

也可從衆儀節每進退姆必引婦升贊幣授婦

奠贊幣於卓子上舅撫之

王昏禮婦笄棗栗進奠于席舅坐撫之

婦降又

拜畢詣西階下北向拜姑升

儀節從者以贊幣授婦

奠贊幣王昏禮婦

受笄職脩進奠于席婦降又拜○若非宗子之子則行姑坐舉儀節姑受之

此禮於舅姑之私室

禮婦之具

酒注一盤盞一脯一盥一尊子一設於堂上席一所以布婦位者安從者一人

舅姑禮之

如父母醮女之儀

丘氏曰拜姑畢執事者設婦席於姑座之東南姆引婦趨席右北向侍者

斟酒奉至舅姑前婦四拜自席右升席跪侍者授盞于婦婦受之祭酒啐酒興授盞于從者四拜降自東階非宗子之子則行此禮於私室按士昏禮醴婦席于戶牖間疏禮婦於此尊之見舅盥饋之時婦當降拜于下而禮婦饗婦時則當拜于堂上席外矣

婦見于諸尊長

婦既行禮降自西階同居有尊於舅姑者則舅姑以婦

見於其室如見舅姑之禮

疑禮通攷昏儀家禮云如見禮舅姑之禮其有贅幣可知而

丘儀無贅恐未然又按禮抄尊長謂舅還拜諸尊長于

之父母也若舅之父母則不可無贅共為一列受拜兩序無贅書儀長屬雖多小郎考證夫弟小姑考證夫姊妹皆

相拜非宗子之子而與宗子同居則既受禮詣其堂上

拜之如舅姑禮而考證是有贅也還見于兩序其宗子及尊長

不同居則廟見而後往

饋舅姑之具簋子二酒壺二盤盞二匙筋各二飯

少隨宜各二分案湯並設于堂上盥盆

若家婦則饋于舅姑

是日食時婦家具盛饌酒壺婦從者設蔬果卓子于堂

上舅姑之前設盥盆于阼階東南悅架在東舅姑就坐

婦盥升自西階洗盥斟酒置舅卓子上降俟舅飲畢又

拜儀節四拜遂獻姑進酒姑受飲畢婦降拜遂執饌

升薦于舅姑之前王昏禮婦盥饋特豚合升側載註右

貧者不辦殺豚但具盛饌按儀節舉饌案進酒進湯進

飯而此本註則先設蔬果進酒後薦饌至卒食後徹飯

又徹饌蓋飯羹與蔬果先設而魚肉盛饌則至是升薦

矣古禮食竟三食以助飽飧謂以飲澆飯也丘儀進湯

於進飯之前非矣且俟侍立姑後以俟卒食徹飯侍者

徹饌分置別室婦就餒姑之餘婦從者餒舅之餘壻從

者又餒婦之餘○非宗子之子則於私室如儀禮壻饋

註舅姑共席于奧疏共席東面饗婦註舅洗在庭疏舅

酌酒於阼階獻婦婦西階上受飲蓋盥饋所以成孝養

故就舅姑室中饗婦用一獻之禮故就堂上行之而家

禮則饋與饗皆行於堂上而舅姑分坐東西此豈以士

之禮饋饗同日故斟酌其宜而改之歟

然則饗婦之時舅姑亦當仍舊坐不改

饗婦之具並同禮婦儀節設饌案三所以進舅姑及

婦者按婦饌案則似當並設飯羹蔬菜

婦者按婦饌案則似當並設飯羹蔬菜

婦者按婦饌案則似當並設飯羹蔬菜

舅姑饗之

如禮婦之儀

王昏禮舅姑共饗婦以一獻之禮疏士饋饗同日大夫以上或異日舅酌酒於阼階

獻婦姑薦脯醢婦西階上受飲畢又酌舅乃先酌自飲更酌以酬姑訖更使人舉爵酢酬是燕也儀節是日饋

畢舉饌案舅姑前各一其一置舅姑傍少南侍者斟酒奉至姑側婦立舅姑前兩間四拜興跪侍者授盞婦受

酒啐酒興授盞于侍者四拜興湯飯隨立按丘儀約之如此而古禮既有獻酬之節雖舅姑不能親自獻薦使

侍者進酒而婦啐酒畢親酌奉進於舅姑退立四拜畢舅姑及婦共為卒食以俶燕禮似合古意禮畢

舅姑先降自西階婦降自阼階

王昏禮註授之室使為主明代已疏阼階是主

人尊者升降之處是授婦以室之義也

廟見

告祠之具

同前

三日主人以婦見于祠堂

如子冠而見之儀但告辭曰子某之婦某氏敢見儀鄭某之

子某若某親之子某以某日昏畢新婦某氏敢見若宗

子自昏則曰某今昏畢敢以新婦某氏見若某氏

則書祝文曰年月日云云某之子某以某日昏畢新婦

某氏敢見謹以後同若從俗行禮於女家日久後來歸

則曰子某之婦某氏以某日餘至同寒罔曰今俗娶妻

入門今日祇見謹以云云或經年而歸則廟

見不必待三日而入門即見亦似大遽入門而拜舅姑

宿齊而廟見恐為穩當待三日廟見猶有存羊之意

依禮恐當○王昏禮若舅姑既歿則婦入三月乃奠某

采子曰昏禮廟見舅姑之亡者而不及祖蓋古者非宗

子但有禍廟今只共廟如何只見禍

壻見婦之父母

明日壻往見婦之父母

婦父迎送揖讓如客禮拜即跪而扶之入見婦母婦母

闔門左扉立于門內壻拜于門外皆有幣婦父非宗子

卽先見宋子夫婦不用幣如上儀然後見婦之父母

次見婦黨諸親

不用幣婦女相見如上儀

婦家禮壻如常儀

親迎之夕不當見婦母及諸親及設酒饌以婦未見舅姑故也

家禮輯要卷之三



